



DIKTAS është projekt i nëdërmarë nga vendet që ndajnë akuiferin dhe mbështetur nga Lehtësimi Mjedisor Global (GEF), për përmirësimin e njohjes së burimeve nëntokësore ndërkufitare të rajonit Dinarik dhe lehtësimin e përdorimit të paanshëm e të qëndrueshëm të tyre, përfshirë mbrojtjen e ekosistemeve unike të ujërave nëntokësore të varur.

Përparimet e suksesshme të DIKTAS

Gjysma e parë e vitit 2013 pati një sërë aktivitete në Projektin DIKTAS duke përfshirë, takimet e grupeve vendimmarrës të DIKTAS, dorëzimin e Analizës Diagnostike Ndërkufitare (TDA), fillimin e Planit Strategjik të Veprimit (SAP) dhe njoftimin e parë të Konferencës DIKTAS 2014.

Takimet DIKTAS

Takimi i katërt i **Ekipit të Projektit** u mbajt në Plitvice më 27-28 Qershor 2013. Në takim u diskutuan aktivitetet e kërkuara për finalizimin e TDA, përgatitjen e SAP dhe përcaktimin e indikatorëve të gjëndjes mjedisore, targeteve të cilësisë dhe programit të përbashkët të monitorimit. Në takim gjithashtu u ra dakort mbi afatet kohore lidhur me aktivitetet dhe planet e punës.




Përcaktimi i indikatorëve të gjëndjes mjedisore, targeteve të cilësisë dhe programit të përbashkët të monitorimit ka filluar në 2012 dhe do të përfundojë në 2013. Këto do të përdoren për të sugjeruar një metodologji të përgjithshme për monitorimin e ujit nëntokësor në karst. Ky do të jetë një kontribut i vlefshëm për vendet që asistojnë në krijimin apo përmirësimin e rrjeteve të monitorimit të ujit nëntokësor në zonën e çështjeve ndërkufitare si edhe për implementimin EU WFD.

- Tre takime me **Komitetet Ndërmministrorë Kombëtarë** (NICs) janë mbajtur në Bosnie dhe Hercegovinë në Shkurt, në Shqipëri në Prill dhe në Kroaci në Maj 2013.
- Takimi i **Komitetit Drejtues të DIKTAS** u mbajt në Zagreb më 26 Qershor 2013. Komiteti Drejtues diskutoi dhe adoptoi raportin e punës për vitin e mëparshëm dhe planin e punës për këtë vit.

Analiza Diagnostike Ndërkufitare DIKTAS

Përgatitja e TDA DIKTAS është proces i gjetjes së fakteve me qëllim identifikimin dhe përshkrimin e problematikave lidhur me ujin nëntokësor karstik, që janë me rëndësi në nivel ndërkufitar.



TDA do të sigurojë bazën për përgatitjen e SAP. TDA është përgatitur nga specialistë të vendeve të DIKTAS me mbështetjen e ekspertëve rajonalë.

Draft-raporti i parë i TDA u dorëzua suksesshëm në Qershor 2013. TDA përfundimtare është planifikuar të jetë gati në mes të Nëntorit pas marjes së komenteve nga Komitetet Ndërmministrorë Kombëtare dhe konsultimeve me grupet e interesit.

Workshop-i i Grupeve Rajonale të Interesit do të organizohet më vonë këtë vit për të diskutuar draftin e TDA. Takimi do të përdoret gjithashtu për të marrë të dhëna nga grupet e interesit në lidhje me përgatitjen e SAP.

Fillimi i Planit Strategjik të Veprimit

DIKTAS SAP do të krijojë prioritete të qarta për veprim për të adresuar shkaqet rrënjësore të problematikave ndërkufitare të identifikuara nëpërmjet TDA. SAP do të propozojë reforma politike, ligjore e institucionale dhe investimet e kërkuara lidhur me këtë.

Përgatitja e SAP është një proces bashkëpunimi midis grupeve kyç të interesit në vendet e rajonit. Ky proces ka filluar në Qershor 2013 dhe do të përfundojë në fund të 2014 me adoptimin e SAP nga vendet e DIKTAS.

Takimi i Ekipit të Projektit në Plitvice hodhi bazat për punën që duhet bërë gjatë hapave vijues të dallueshëm që janë pjesë e procesit SAP: hartimi i Vizionit Afat-gjatë për menaxhimin e zonës DIKTAS; hartimi i Objektivave të Cilësisë së Burimeve Ujore/Ekosistemeve; identifikimi i Veprimeve për të adresuar problematikat dhe arritur objektivat.

Puna përgatitore e Ekipit të Projektit do të lehtësojë diskutimet gjatë Workshop-it të Grupeve Rajonale të Interesit; formulimi i vizionit, objektivat si edhe veprimet prioritare-të përgatitura nga ekspertët-do t'i propozohen grupeve të interesit. Rezultatet e konsultimit me grupet e interesit do të lehtësojnë përpunimin e mëtejshëm dhe mirë rregullimin e veprimeve prioritare nga ekspertët e DIKTAS dhe NICs.


Njoftime

Projekti DIKTAS në Konferencën e 3të Ndërkombëtare mbi Ujërat në zonat e Mbrojtura dhe Sensitive

Projekti DIKTAS përfaqësua më së miri në Konferencën e 3të Ndërkombëtare mbi Ujërat në zonat e Mbrojtura dhe Sensitive, i cili u mbajt në Zagreb, Kroaci, më 13-15 Qershor, 2013. Tre artikuj u prezantuan nga ekipi i projektit DIKTAS, të cilët mbuluan një shkallë të gjerë çështjesh duke theksuar sinjifikancën dhe cënueshmërinë e akuifereve karstikë në rajon.

Siti i Konferencës:


<http://www.wspaconference.com>



DIKTAS

Konferenca DIKTAS 2014

Konferenca Ndërkombëtare dhe seminari në terren "Karsti pa Kufi" do të mbahet më 11 - 15 Qershor 2014, në Trebinje (Bosnie & Hecegovinë) dhe Dubrovnik (Kroaci).



Qëllimi i konferencës është të rrisë bashkëpunimin midis shkencëtarëve ndërkombëtarë të karstit, inxhinierëve dhe grupeve të interesit DIKTAS, dhe të sigurojë mundësi shkëmbimi eksperiencash dhe idesh lidhur me akuiferët karstikë në mbarë botën. Konferenca do të theksojë arritjet e DIKTAS në nivel kombëtar dhe rajonal dhe do të ftojë përfaqësuesit e autoriteteve kombëtare, akademikët, inxhinierët, konsulentët dhe të tjerë të përfshihen në aktivitetet e projektit dhe të kontribuojnë në arritjen e qëllimeve të tij. Veç kësaj, konferenca synon të rrisë ndërgjegjësimin mbi cënueshmërinë e akuiferëve karstikë dhe të diskutojë mbrojtjen e ujërave nëntokësorë lidhur me implikimet socio-ekonomike dhe mjedisore.

Regjistrimi për konferencën është TASHMË I HAPUR!

Data të rëndësishme

- Paraqitja e abstraktit deri në 1 Nëntor 2013
- Njoftimi mbi pranimin e abstrakteve deri në 1 Dhjetor 2013
- Paraqitja e artikujve deri në 1 Shkurt 2014
- Tarifa e regjistrimit të hershëm deri në 31 Mars 2014

International Conference and Field Seminar

**KARST WITHOUT
BOUNDARIES**



Njoftime

Konferencat e ardhshme

Simpozium Ndërkombëtar dhe Kurs trajnimi mbi Sistemet e Rrjedhjes Hierarkike në Rajonet Karstike

Simpoziumi Ndërkombëtar dhe Kursi i Trajnimit mbi Sistemet e Rrjedhjes Hierarkike në Rajonet Karstike do të mbahet në Budapest, Hungari, nga 2 në 7 Shtator 2013. Eventi është organizuar bashkarisht nga Komisioni i Karstit IAH (KC), Komisioni për Rrjedhjen e Ujit Nëntokësor Rajonal dhe Bashkimi Ndërkombëtar i Speleologjisë. Takimi vjetor i KC do të mbahet në Budapest, ndërkohë që Çmimet 2013 për Kërkuesit e Rinj të Karstit do të shpërndahen gjithashtu gjatë këtij eventi. Informacioni dhe regjistrimi: www.karstflow2013.org

Konferenca e 7të Dyvjeçare Ndërkombëtare GEF

Konferenca e 7të Dyvjeçare Ndërkombëtare GEF do të mbahet këtë vit në rajonin e Karaibeve, më 28-31 Tetor 2013. Workshop-e të veçantë për menaxherët e projektit GEF IW dhe Agjencitë, do të zhvillohen përpara eventit kryesor. Informacioni i përgjithshëm mbi konferencën mund të gjendet në website-in e IWLEARN (http://iwlearn.net/abt_iwlearn/events/conferences/iwc7-2013), ndërkohë që pyetjet lidhur me takimin mund të dërgohen në iwc2013@iwlearn.org.


DIKTAS

DIKTAS është duke rritur kapacitetet për menaxhimin e Akuifereve Karstikë

Workshop mbi Problemet dhe Zgjidhjet në Modelimin Numerik të Akuifereve Karstikë

Workshopi mbi Problemet dhe Zgjidhjet në Modelimin Numerik të Akuifereve Karstikë u organizua në Trebinje, Bosnie dhe Hercegovinë, nga 5 në 7 Qershor 2013 nga Survejimi Gjeologjik i Republikës Srpska, Fakulteti i Gjeologji Minierës në Universitetin e Beogradit dhe Projekti DIKTAS. Workshop-i u mbështet gjithashtu nga kompania e Hidrocentraleve “Hidroelektrana Trebišnjica”.

Këto tre ditë eksperience në workshop mbuluan aspekte praktike të zhvillimit të modeleve numerike konceptuale të rrjedhjes së ujit nëntokësor në terrenet karstike. Konceptimi i modelit dhe përgatitja e të dhënave për input në modelet numerike u performua në mjedis GIS, ndërsa modelimi numerik u performua duke përdorur programin kompiuterik "Groundwater Vistas", sistem grafik përdorimi, dhe modulet e fundit "Modflow" të hartuara veçanërisht për problemet e ujit nëntokësor të karstit-CFP (Proçesi i Rrjedhjes në Kanal) dhe USG (Rrjeti i pa strukturuar).



Imazhi nga Sasa Milanovic (Universiteti i Beogradit)

KONTAKTE:

Tel: +31 6 1256183, + 387 66197916,

Faqja e Internetit: <http://diktas.iwlearn.org/>

